

Nezavisni lokalni mediji i nevladine organizacije su također blagovremeno animirale nadležne organe i medije okruženja. Mediji okruženja su svojim višekratnim posjetama Velikoj Kladuši solidno, opširno, korektno prezentovali široj (ne)laičkoj javnosti i pozivalo nadležne organe na svrsihodnije blagovremeno poduzimanje konkretnih mjera, prvenstveno smještaja i rizika opće sigurnosti kako izbjeglica tako i domicilnog stanovništva.

Neljudski stav načelnika Velike Kladuše 18.05.2018. prema izbjeglicama-migran-tima oko privremenog smještaja u „rakite među zmijske“ (Kamp u naselju Trnovi) je najsrमतniji prikaz iz zapuštene Varošice u ovom stoljeću!

Tužno je da više od pola godine traju natezanja-prepućavanja između nosilaca mandata oko smještaja izbjeglica - migranata u vrijeme kada na području Općine ima na desetine objekata pod krovom u 90% državnom vlasništvu od kojih je svaka lokacija primjerenija od rugla u kojem borave žene sa djecom!

Dva neuspjela organizovana „juriša“ izbjeglica na granicu u Maljevcu policija je glatko spriječila. Brojni Krajišnici u (ne)zgodnim situacijama spremno ponavljaju staru uzrečicu: „Ne ženi ga luda, neka ostane“, čime se jasno aludira na aktuelne narodne izabranike svih nivoa Bosne ponosne!

Program rada Općinskog vijeća za 2018.

Shodno aktima Općine (*Statut i Poslovník o radu*) Općinsko vijeće koncem zadnjeg tromjesečja priprema *Program rada* za narednu godinu.

Važeći Program rada Općinskog vijeća Općine Velika Kladuša usvojen je na



Poremećaji u zasjedanju Općinskog vijeća Velika Kladuša će ostaviti duboke tragove

XVI redovnoj sjednici 29.01.2018. (Vidi: *Službeni glasnik Općine broj 1/2018.*). Prema ustaljenoj, vjerovatno prevaziđenoj, strukturi (Uvod, Operativni dio, Normativni dio, Završni dio) u Operativnom dijelu predviđeno je održavanje tri tematske sjednice (Stanje u oblasti gospodarstva, privrede i poljoprivrede za mart 2018., Problemi, potrebe, stanje mladih za jun 2018., Stanje i problemi mjesnih zajednica za septembar 2018.).

Od brojnih ostalih stavki od posebne relevancije za viziju mogu se izdvojiti: Informacija o ostvarivanju *Strategije razvoja 2014-2023* (planirana za jun 2018.), *Program kapitalnih ulaganja 2017-2019.* (predviđen za oktobar 2018.), Odluke u vezi prostornog planiranja (*Prostorni plan 2011-2034.*, *Urbanistički plan 2012-2032.*, Urbanistički projekt „Tržnog centra“ Velika Kladuša) planirane za maj 2018.

Nepopravljiv poremećaj u zasjedanju Kladuškog senata tokom 2018. (zadnja redovna sjednica u martu) je činjenica koja će ostaviti duboke tragove. Blokiran je „sistem pristupa informacijama“ jer ono što nije „aminovano“ na Općinskom vijeću nije moguće dobiti uobičajenim legalnim putem shodno Zakonu o pristupu informacijama.

Aktuelni sastav Općinskog vijeća Velike Kladuše nastavlja praksu u oblasti diskriminacije medija, kašnjenja u odgovorima po zahtjevima pristupu informacijama, kašnjenja u pojed-

načnim konkretnim zahtjevima građana, ignorisanje građanskih inicijativa...npr. za održavanje tematskog zasjedanja oko poljoprivrede postoji pismena inicijativa šest udruženja od septembra 2017.

Na veoma ozbiljne primjedbe građana sadržane u *Biltenima za društvena kretanja* (sedam izdanja 2014.-2017.) oko priprema strateški važnih stavki za Općinsko vijeće sa stanovništa njihove participacije, Kolegij vijeća se redovno oglašuje, a potpisnike inicijativa ignoriše.

Suradnja nevladinih organizacija (radi se formalno o 141 pravnoj osobi) sa Općinskim vijećem svodi se uglavnom na grantove. Kao dokaz navedenom može poslužiti priprema tematske sjednice o mladima. Nije bilo ni pokušaja prethodnih aktivnosti od strane Komisije za mlade, Vijeća mladih... ako izuzmemo opjevanja mladih *Laburista* sa njihovog Okruglog stola. Rahatluk pozicije u Općinskom vijeću i Jedininstvenom organu uprave malko je poremetio Izvještaj o finansijskoj reviziji Budžeta Općine Velika Kladuša za 2016. i 2017. godinu početkom jula od strane Ureda za reviziju institucija u FBIH (Sarajevo, 02.07.2018.). Na str. 4 ispod podnaslova Negativno mišljenje piše: „Prema našem mišljenju, zbog značaja stavki opisanih u Osnovi za negativno mišljenje, aktivnosti, finansijskih transakcija i informacije prikazane u finansijskim izvještajima Općine Velika Kladuša, nisu u skladu u svim

materijalnim aspektima sa zakonima i drugim propisima koji regulišu ovu materiju“.

Kolegij Općinskog vijeća i predsjedavajući prof. **Fikret Bašić** su znali koncem 2017. da je revizija općinskih „financija“ u toku, ali u Programu rada za 2018. nisu predvidjeli razmatranje Izvještaja o obavljenoj reviziji!

Agonija sa izbjeglicama-migran-tima

Izbjeglice iz trenutno opasnih krajeva svijeta (Bliski Istok, Afrika...) bauljajući godinama preko dva kontinenta zaglavili su u Velikoj Kladuši. U potrazi za boljim životom trpe nasrtaje na ono malo dostojanstva i ljudskosti koje su uspjeli sačuvati boraveći u nebrojenim mjestima i stojički podnoseći svakakve postupke.

Čeljad drukčije (tamnopute) boje kože lako je primjetiti u sredini u kojoj su takve osobe zbilja prava rijetkost. Kladuščani su ih lako „dešifrovali“ jer su ranije, prije 1990-tih, imali par takvih osoba u vrlo cijenjenim zanimanjima (liječnici, veterinari...).

Radilo se o diplomantima sa Bliskog Istoka koji su po okončanju studija oženili domicilne cure (mahom zagrepćanke, dugoreščanke), a onda u potrazi za poslom poneki završili u perspektivnoj Čaršiji.

Prve izbjeglice na području Velike Kladuše primjećene su koncem januara 2018., a prva utočišta - smještaj - konačišta su bile džamije u Trnovima, Zagradom, Velikoj Kladuši, Donjoj Vidovskoj... Radilo se mahom o samcima koji lakše nađu smještaj lakše se snalaze u tuđini. Bahnuli su iz Sarajeva, redovnom autobusnom linijom koja iz centralne polazi u ranim popod-